

70

DEO DUCE.
DISPUTATIO ACADEMICA,
DE
USU LAPIDUM
IN
HISTORIA,
QUAM,

*Consentiente Amplissima Facultate Philosophica:
Reg. Acad. Aboënsis,*

PRÆSIDE
CAROLO FRIDERICO
MENNANDER,

S. S. Theologiæ DOCTORE, & Scientiæ Natur. PRO-
FESSORE Reg. & Ord.

Publico bonorum examini modeste subjicit,
GUSTAVUS ALLENIUS,
SATACUNDA-FENNO.

IN Auditorio Majore Die III. Octobr.
Anni MDCLII.

H. A. M. S.

ABOÆ, Impressit DIRECT. & Typogr. Reg. Magn. Due.
Finland. JACOB. MERCKELL,

Admodum reverendo atque præclarissimo
VIRO,

DN MAG. ANDREÆ
SALOVIO,

Pastori in Orivesi & Eräjärvi meritissimo, & ad-
jacentis districtus Præposito adcuratissimo, Patrono
multis nominibus colendo.

Non mirum Tibi, Patrone propenfissime, spero,
videbitur, quod hunc rudem & incomptum
ingenioli mei fætum Tuo nomini inscribere non
dubitaverim. Facit id est ob favorem Tuum
singularem in bonas literas earumque cultores o-
mnes, qui in me etiam insignis jam din ac exi-
mius est, multis ostensas & comprobatus benefi-
ciis. Ea certe est, Vir Admodum Reverende, in-
doles Tuorum in me meritorum, ut mihi neuti-
quam suppetat copia verborum, qua illis depra-
dicandis

dicandis sufficeret. Ne autem officio hoc meo
prorsus defēsse videar, cum nulla alia suppetat
ratio huic explicando affectui, specimen hoc Aca-
demicum Tibi, qua decet reverentia offero, lapi-
des nimis aliquos, simplici tenuis ingenii cul-
tu instar tabula votiva politos, adeoque sola of-
ferentis pietate commendabiles. Nullus autem du-
bito, quin humillimæ & obstrictissima mentis tes-
seram hanc Tibi dicatam eadem serena exceptu-
rus sis fronte, qua me semper amplecti soles. Mi-
hi nihil prius erit, nihil antiquius, quam Supre-
mum Numen assiduis implorare precibus, velit
Te, Admodum Reverende Vir, per annos bene
multos sospitem & superstitem servare, in ecclesia
commodum & honoratissima familie emolumen-
tum ac solatum.

Admodum reverendi & præclarissimi
NOMINIS TUI

cultor humillimus,
GUSTAVUS ALLENIUS.

VIRO

Plurimum reverendo atque præclarissimo,

D:N G U S T A V O
A L L E N I O ,

Pastori in Cangasala & Cuhmalax meritissimo, Pa-
renti summa animi veneratione æternum colendo.

Beneфicia Tua, Parens Exoptatissime, plusquam
paterna, quæ omni loco omnique tempore
expertus sum uberrima, tanta sunt, ut impares
omnino sint ingenii mei vires voluntatis desiderio,
illa condignis encomiis prosequendi. Tot etiam
sunt hæc Paterni Tui amoris indicia, ut eorum
vel numerum incungi mihi nec dies nec lingua
sufficeret. Tibi enim, Parens Exoptatissime, post
DEUM debo, non solum quod vivo, sed etiam
quod bene vivo, quodque literis operam mihi
navare liceat. Sed sunt, ut dixi, merita in me
Tua omnia encomia superantia, adeoque eadem
silere satius duco, quam incomto verborum appa-
ratus obfuscare. Hæc ipsa tamen dum tacito pe-
ctore mecum volvo, non possunt non animum in-
timi

timo venerationis sensu persundere. Diem itaque
sapienter vehementiori animi affectu desideratum iam
adesse summopere latet, quo amorem Tuum plus-
quam paternum meamque perennaturam venerationem
publice profitendi suppeditatur occasio. Ne
itaque officii mei prorsus immemor censear, qua-
par est pietate rogo, permittas, Parens Optime,
chartaceum hocce munusculum in tenerrimi affe-
ctus \mathfrak{G} venerabundae mentis indicium Tibi dic-
tum esse. Suscipe, humillimus oro, eo, quo soles, pla-
cido \mathfrak{G} benigno vuln., lapides hosce, quos sub aro
duo ad Parnassi jugum itinere collegi. Suscipe illos ut
venerationis meæ filialis nunquam oblitteranda sym-
bolum. Uti antea ita in posterum quoque fac ut
Parentem Indulgentissimum in Te experiar, in
cujus sine cen porta tuto fortuna meæ secure re-
quiescere possint. Summum rerum moderatorem
precibus compellabo indefessis, velit Te, Parens In-
dulgentissime, in illam atatem, quæ humani ævi
longissima est, saluum \mathfrak{G} sossitem præstare, in
ecclesia CHRISTI, cuius sedulam gessisti curam,
emolumenntum, \mathfrak{G} in omnium, quotquot Tui su-
mus, solatum \mathfrak{G} fulcrum. Haec est summa-
votorum

PARENTIS INDULGENTISSIMI

obsequientissimi filii,
GUSTAVI ALLENII.

**VIRO plurimum reverendo atque praeclarissimo,
Domino ANDREÆ FORSELIO,
Pastori parœciae St. Michaëlis laudatissimo, Fautori
Avunculi loco honorando.**

**VIRO plurimum reverendo atque praeclarissimo,
D:n ABRAHAMO INDRENIO,
Pastori in Keuru laudatissimo, Fautori & Euergetæ
propensissimo.**

Flror vester plane singularis, Plurimum Reverendi Vi-
redit, Vobis non dispicendum institutum meum, dum
nomini Vestro dicatas consecrataisque esse volo. Exigit banc
nullo non tempore mihi praestita. Quoniam vero supra meas
quod vestra exaequaret beneficia, nihil aliud suppetit, quod
ut benigno suscipiatis vultu, ut obstrictissimæ mentis tesse-
per erit, ex intarsis cordis recessibus vovere, velit Sum-
honoratissimasque Familias Vestras o-

NOMINUM

cultor obser-
GUSTAVUS

VIRO plurimum reverendo atque praeclarissimo;
D:n Mag. MICHAELI FORSELIO,
*Pastori in Euraäminne gravissimo, Fautori avunculi
loco honorando.*

VIRO plurimum reverendo atque praeclarissimo;
D:n LAURENTIO FORSELIO,
*Pastori in Ruovesi meritissimo, Avunculi loco
honorando.*

ri, erga omnes bonarum literarum cultores certiores mebas studiorum meorum primitias rudi Minerva conscriptas grati animi testificationem incombarabilis Vesta benevolentia vires possum est, aliquid in vicem reabostimenti offerre, rependam, praeter rudem & incomptam banc opellam, quam rari, perofficiose contendeo. Quod reliquum est, meum seminus universi stator, Vos, Plurimum Reverendi Viri, innigena beare felicitate!

VESTRORUM

MURKIA AVARUM

vantissimus,
ALLENIUS.

VIRO perquam reverendo atque clarissimo;
D:n MARTINO FLORINO,
P. Pastor in Cangasala vigilantissimo, Fautori grata-
mente honorando.

VIRO perquam reverendo atque clarissimo,
D:n Mag. ISAACO FLORINO,
Sacellano in Kuru meritissimo,
Avunculis quovis honoris cultu prosequendis.

VIRO perquam reverendo atque clarissimo,
D:n Mag. NICOLAO WIDEOHM,
Verbi divini Ministro in Cangasala dignissimo, Fauto-
ri temper honorando.


VIRO reverendo atque praestantissimo;
D:n JOHANNI LANGHIELM,
Sacellano in Virdois vigilantissimo, Affini fidelissimo,

VIRO reverendo atque doctissimo,
D:n MATTHIAE ANTONIO,
Adjuncto Ministerii Cangalensis diligentissimo, Fau-
tori & affini benevolo.

IN signum gratitudinis & amicitiae, pagellas has Vobis, Fau-
tores optimi, offero & consecro, ob plurima favoris &
amicitiae indicia, quae mihi nunquam non exhibuisti. Pro
Festra & Vestrorum incolumitate & flore vota ardentissime
nuncupaturus

NOMINUM VESTRORUM

cultor observantissimus,
GUSTAVUS ALLENIUS,



I. N. J.

§. I.

Quemadmodum & necessitati, & utilitati, & jucunditati nostræ per regnum vegetable & animale innumeris modis consuluit Di- vina bonitas; ita mineralium quoque, in cry- ptas & cellas subterraneas absconditæ gazæ varietate & amoenitate sua, non mente concipienda tantum sed in oculos incurrente, in admirationem sedu- lum magnalium Dei scrutatorem rapiunt, & pluri- mos simul usus mortalibus pariunt. Scilicet libera- litas naturæ non exteriorem modo terræ faciem pul- cherrime vestiit, sed etiam ejus interiora ornamen- tis & thesauris ditavit. Est minerale regnum reli- quorum basis & sustentaculum; & licet gulæ nostræ immediate non inserviant mineralia, quam enim ta- rinam fossilem (a) aliquoties credidit vulgus, margu- fuit, nec nutritioni nec sanitati conducens, sed mor- bos potius vel mortem pariens, suppeditant tamen bellaria viu jucundissima; & sal, omnis cibi condi-
A men-

(a) F. E. Bruckmanni Epist. Itin. XV. & J. F. Henc- kelii Floræ Saturniz. p. 557.

præsentibus vivis præceptoribus. Neque credibile est, potuisse columnam, utcunque lapideam, tempore diluvii inconcussam & illæsam perdurare, aperitis omnibus abyssi fontibus & cœli fenestrīs; aut, si vel hoc concederetur, quod sub bellis crudelibus & exitiosis, quæ in Syria tuere gesta, quæque plurimas urbes & antiquitates devastarunt, hæc tamen columna, ad tempora usque *Josephi*, superstes manserit. Quod si factum fuisset, nec video, quo pater tot alios scriptores hoc præterire potuerit. Fuisse etiam contra pietatem Sethianorum, divinæ prævidentiae per ejusmodi molimina modum præscribere & diffidere. Ut taceam, inventionem scripturaræ & literarum ante diluvium omni certitudine carere, quidquid de *Adamo* ceu primo inventore literarum *Freculphus*, *Svidas*, *Gotefridus Viterbiensis*, aliique perhibeant, quam tamen gloriam alii vel *Setho* vel *Enocho* adjudicant. Columnæ etiam illæ octo quadratae, quæ hodienum in bibliotheca Vaticana assertantur, quibusque *Adami* & filiorum *Sethi* alphabeta & literæ essent inscriptæ, jure censentur suppositiæ. Literarum quoque tanto minor primis hominibus erat necessitas, quo longior tum concedebatur vitæ utura, unde commode omnia scitu necessaria viva voce & per traditionem oralem cum sobole & posteritate poterant communicari. Hæc & alia argumenta fidem *Josephi* hoc in negotio convellunt. Quem tamen de columnis *Mercurii Egyptii* locutum fuisse aliqui volunt, &, ne nimium his gentis suæ hostibus tribuere videretur, eas ad *Sethi* posteros retulisse.

§. III.

De fatis & mutationibus, quæ subiit globus
noster terraqueus, testimonium etiam perhibere pos-
sunt lapides, adeoque circa historiam ipsius telluris
non sunt elingves. Scilicet, exinde, quod ex diver-
sissimi generis materiis, stratum & lamellatum jacen-
tibus, constent montes multi, ut arenis, argillis, la-
pidibus tritis, tassis majoribus & quasi fragmentis
montium aliorum, ex obliquitatibus & excavationi-
bus eorum, ex dorsis & jugis montium in longitu-
dinem procurrentibus idque plerumque versus au-
strum & boream; ex his, inquam, & aliis rationi-
bus concludi solet, hæc omnia ortum duxisse & ho-
dierna telluri strata fuisse superinducta in oceano
quodam, alte super terram consistente & cuncta su-
perante. Imprimis vero heic in censum veniunt,
quæ magna copia effodiuntur, res petræfactæ. Ori-
ginem harum a mechanicis caussis, aut ludibunda
principii alicujus architectonici natura, aut ovulis
per aërem volitantibus, aut aura omnium regnorum
seminali undique dispersa, repetere non licet; cum
de stemmate suo ex vegetabili vel animali regno
non relinquant dubitandi ansam. Circa modum ve-
ro & tempora, quibus hæc fatalis rerum mutatio
contigerit, & tam peregrini hospites terræ nostræ
habitibili fuerint inventi, in sententiarum abiri solet
divortia. Successivæ tamen mutationes quæcunque,
quæ telluris superficie obtigerunt, non fuere pares
tantis effectibus producendis, sed ad universale &
simultanetum fatum referri debent. Qua enim alia
ratio-

ratione filicinæ plantæ, nullibi quam in America
 crecere solitæ, aut conchylia non vicinorum ma-
 rium, sed Indici Oceani incolæ, sceleta etiam cro-
 codilorum lapidea, in musæo Speneriano & Lincki-
 ano adservata, in nostras regiones eo quidem mo-
 do fuissent delata, ut vel in altissimis montium ca-
 cuminibus deprehendantur, vel ex puteis centenas
 aliquot orgyas profundis eruantur? Cum itaque de
 universalí illo diluvio, cuius historiam reliquit nobis
 divinus scriptor Moses, testimonium perhibeant hæc
 in lapidibus obvia rudera, facile apparet, vel ex
 hoc capite in curiosorum scriniis esse asservandos
 lapides, licet illos colligere apud ignorantes, vel eos,
 qui tantum in pecuniâ vel agris congerendis amœni-
 tates querunt, quique nihil ûtile judicant, nisi quod
 cibum & potum largiatur, inutile prorsus studium ha-
 beatur (c). Cumque res hæ petræfactæ interdum ve-
 getabilia aut animalia exhibeant, hoc vero inter
 conchylia potissimum sæpe evenit, quorum prototypa
 nondum fuere detecta, quod botanicae etiam &
 zoologiæ inserviat lithologicum studium, facile apparet.
 Occurrunt etiam in monumentis lapideis figuræ ani-
 malium & vegetabilium affabre humana opera sculptæ.
 Ita Mabudel (d) ex monumentis veterum Ægyptiorum
 figuræ varias plantarum, ut Loti, Colocasiæ, Perseæ &
 Muñæ, perite eruit.

§. IV.

(c) H. T. Delius in diatr. phys. de ruderibus, terræ
 mutationum particularium testibus possilibus, pro di-
 luvii universalis testibus non habendis, §. 5.

(d) In actis. R. Acad. Gallicæ eleg. litt. t. II. N:o XXXV.

§. IV:

7

Apud Judæos olim familiare erat, in rerum gestarum memoriam lapides erigere. Unde in Sacro codice sæpius fit hujus consuetudinis mentio. Solabant nimirum prisci ævi homines illis potissimum materiis insculpere literas, quæ solidæ, & injuriis temporis quam minimum obnoxiae habebantur, ne una cum fragili materia ipsæ concidere possent, aut facile deteri atque aboleri. Hinc metallo aut lapidi apices in secula duraturos incidebant. Morem illum in oriente olim fuisse receptum divus *Jobus* monstrat. Cum enim ad perpetuam posteritatis memoriam transmitti vellet sermones suos, pulcherrime crescente oratione vovet, ut in diuturnioribus his monumentis annotarentur. *Quis*, inquit, *mibi tribuat*, ut prescribantur sermones mei? *Quis mihi det*, ut exarentur in libro, stilo ferreo aut plumbi lamina vel celte scribantur in silice? (e) Hoc institutum, ut erectis solidioris substantiæ lapidibus insigniores eventus, & quæ par erat æternæ memoriae consecrari, concrederent, servavit, ut diximus, populus Ebræus. Ita *Jacobus* in Mesopotamiam tendens, viso per quietem ingentis istius scalæ mysterio, lapidem unctum eodem in loco erexit, addita illi appellatione Bethel. (f) Quod prava quædam *πανοργία* imitatos fuisse Phœnices, & primo ipsum illum lapidem coluisse quem unxerat Patriarcha, deinde alios lapides unxisse & consecrassæ, quos a Bethel ducto nomine Bætylia & Bætylos nominarunt,

osten-

(e) *Job.* XIX. 23. (f) *Genes.* XXIX. 18, 19, 22.

ostendere fatagit Bochartus. (g) Idem Jacobus in reditu duo excitavit monumenta, unum tœderis inter se & *Labanum* initi (h), alterum desideratissimæ *Rachelis*. (i) Ipsi Deo legem suam populo Judaico tabulis lapideis inscriptam, ut tanto minus posset intercidere, dare placuit (k). Et *Moses*, superato rege Amalek, in rei memoriam erexit monumentum, cui nomen indidit *Jehovah nissi* (l). *Josua* quoque, in recordationem transitus Israëlitarum per siccatum Jordanis alveum in terram promissionis, ex mandato divino lapides posuit (m). Ut plura non enumerem, statuam etiam illam, quam in memoriam sui paraverat *Absalon* (n), fuisse lapideam, plerique interpretum contendunt. Nec aliis gentibus antiquis, ut Ägyptiis & Chaldæis, ut de Græcis & Romanis jam nihil dicam, consuetudo illa lapideæ materiæ sensa animi imprimendi, displicuit. In Tartaria quoque varia lapidea monumenta *Strahlenbergius* (o) detexit.

§. V.

Sed quid opus est peregrinis ex oris adferre exempla usus lapidum historici, quorum plurima ipsa patria suppeditat? Si ullibi locorum, certe in septentrione,

(g) *Canaan*, libro II. c. 2. (h) *Gen. XXXI. 47.* (i) *Gen. XXXV. 20.* (k) *Exod. XXIV. 12.* (l) *Exod. XVII. 15, 16.* (m) *Jos. IV. 1. seq.* (n) *Il. Sam. XVIII. 18.* (o) *Hist. Geogr. Beschreibung des Nord- und Ostl. theils von Europa und Asia / p. 409, & alibi.*

trione, idem mos antiquitus fuit receptus & frequentatus, ut monumenta lapidea erigerentur, iisque adderentur inscriptiones, quas legere deberent posteri. Appositi nimirum fuere locis, ubi clarorum hominum cineres quiescunt, cippi sepulcrales; cuius consuetudinis non annales modo faciunt mentionem, sed ipsa etiam passim residua monumenta eam pleno ore loquuntur. Perhibet Sturlesonius (p) tam sub cremante quam tumulante aetate mortuos fuisse sub aggestis e terra tumulis sepultos, & vastas moles lapideas in memoriam eorum erectas. Et quamvis magna eorum saxonum pars, vel fortuitis casibus perierit, vel superstitionum aut male consultorum & inscitia laborantium hominum culpa fuerit e medio sublata, supersunt tamen hodienum tanto numero in Svecia, (Fennia enim consuetudinis illius & tumulorum sepulchralium nondum exhibere valuit ullum vestigium,) ut vix ulla reperiatur regio, quae monumentis antiquitatis hujus generis sit illustrior. Prolixior sane essem quam patitur instituti ratio, imo exitum potius sermonis nullum reperirem, si exponere aggrederer, quantum ex lapidibus illis museo & oblivionis situ obiectis luminis accenderint viri de antiquitatibus patriæ immortaliter meriti circa veterum in loca maxime diffusa & varias orbis partes expeditiones & itinera, res gestas & fortitudinem bellicam, prisciique seculi Jngvam, genium, mores & consuetudines. Nec defunt alii usus lapidum in rebus maximi momenti apud veteres Sveogothos. Ita reges apud lapides

Moreneses fuisse electos nemo ignorat. Erat etiam usū receptum, non judicia tantum exercere ad sāxa circulari forma posita, quibus judices insidebant, sed etiam alios solennes actus celebrare, ut robur & transacti negotii perpetuitas illo quasi symbolo indicaretur. Limitibus etiam, tam ipsius imperii, quam privatarum possessionum, constituendis, tuere lapides tam apud alias gentes, quam apud nos, jam olim adhibiti.

§. VI.

Solet illa esse monumentorum horum antiquorum ratio, ut suppositiis & spuriis aliquando decipiantur etiam viri harum rerum peritissimi; quod *Athan. Kirchero* notum est haud raro accidisse. *Gronovius* quoque figuram monticolæ Saxonici ligneam sacerdotem veterum Germanorum *ispoφοεγρ*, vel bajulum ceremoniarum, judicavit, & æri incidendum, ut singulare antiquitatis monumentum, curavit (q). Ut ex nummis quoque exemplum addamus, moneta trium orularum ærea Gloriosiss. mem. Regis nostri *CAROLI XI.* aliquantum detrita & in Gallia inventa, a multis eruditorum Sevenensium numisma credebatur, & mirum in modum eo detorquebantur figuræ; inscriptio vero unius lateris *C.* R. S. verba: *Contra Romanam sanguinariam, vel Christianos Romanos Sacrificate*, indicaret; aversæ partis literæ i. Ör. S. M. aliquam harum haberent interpretationem: *In Orbe Romano Sangvis Martyrum*, vel: *In Obedientia Regis Semper Manent*; vel: *Juvenes Offerente*

(q) *Tbes. Ant. Græc. T. III. Confer etiam Menckeni Charlataneriam eruditorum, p. m. 102. seq.*

ferte Religioni Sacrificium Magnum. Neque conjectura-
 rum finis erat, antequam Otto Sperlingius errorem hunc
 in proposito collocaret (r). Interdum etiam tales obve-
 niunt antiquitatis reliquiae, ut, quid sibi velint, ne Oedi-
 pus quidem extricare valeat. In harum numerum refer-
 ri potest monumentum illud, ad quod in monte *Vindso*
Lapponiae nostrae visendum iter instituerunt de *Mauper-*
tuis & b. Celsius (s). Aliquæ porro ita sunt ambiguæ, ut
 varias interpretationes cum æquali probabilitatis spe-
 cie patientur. Talis est jaspis ille, quem exhibent
 acta R. Ac. Gal. Eleg. Litt. (t) cui insculptas fi-
 guras *Gallandus* sigillum Talismannicum in nativi-
 tatem principis alicujus paratum judicat; *Montfau-*
con vero *Marcum Aurelium* referre credit; *Baudelot*
 denique vel monumentum pietatis privati alicujus
 erga Deos domesticos esse, vel *Caligulam* cum fa-
 milia exhibere. Exemplum aliud ambiguæ lapidum
 expositionis suppeditant *Miscellanea Berolintensia* (u)
 ubi emblema gemmæ cuidam ex cimeliarcho Regio
 Berolinensi insculptum optimi principis pace bello-
 que virtutes indicare *J. C. Schottus*, *J. C. Vachterus*
 autem tyranni vitia exprimere credit. Nec de-
 sunt in historia patria variantium circa lapides &
 toto cœlo sibi invicem oppositarum lectionum ex-
 empla. Sed licet genuinis monumentis lapideis a-
 liquando immixta deprehendantur spuria, aliqua et-
 iam explicari vix & ne vix quidem possint, alia
 B2 dubiis

(r) Vadskiärs *Ekte = Plads* / pag. 18. (s) *Historie de*
l' Academie Royale des sciences & belles lettres a
Berlin, anné MDCCXLVII. p. 432 (t) *T. I. N:o*
LIII. (u) *T. I. Cont. II.* pag. 336. seq.

dubiis interpretationibus sint obnoxia, supersunt tamen, quæ genuina sunt, & lucem omni historiæ accendentia, bene multa & innumera:

*Incisa notis marmora publicis,
Per quæ spiritus & vita reddit bonis
Post mortem ducibus (x).*

§. VII.

Ut hoc ipsum, eundo per singulas historiæ species, exemplorum adducta cōpia, evincam, non patitur argumenti vastitas, quæ multa grandia jam implevit volumina; nec instituti mei ratio illud exigit, cui summa tantum capita aliqua attingere est constitutum. Primo itaque ad illustrandam religionem & cultum Deorum priscorum gentilium plurimum faciunt lapides, quibus Deorum imagines insculptas sœpiissime cernimus. Ita in *Dæctyliotheca Zanettiana*, quo nitidissimo munere REGINÆ nostræ AUGUSTISSIMÆ bibliothecam publicam nuper augere clementer placuit, occurunt *Hercules* populea corona redimitus, *Apollo* cum cithara, & idem in Parnasso cum *Musis*, &c. In *Museo Kircheriano* *Jupiter* cum fulmine, & *Bacchus* hederaceæ coronæ ornamento insignis, obveniunt. Deorum nomina, de quibus tacent historiæ, aliquando lapidibus inscripta legimus, quale est *Endovellicus* (y). Lappones quoque lapideos Deos coluisse constat (z). Sed

(x) Horatii *Carm. Libr. IV. ode VIII.* (y) *Acta R. Ac. Gall. eleg. liit. vol. II. n. XXXVII.* (z) Scheferi *Lapponia p. 106.* & *Högströms Lapmarkernes beskrifning, p. 182.*

Sed non formas modo Deorum, verum etiam facta lapides exhibent. Ita *Europæ* raptum eadem Dactyliotheca fistit, & *Proserpine* urna musei Kircheriani. ipsum cultum Deorum in iisdem expressum intuemur. Ita magnæ Deum matris pompa in gemma Zanettiana cernitur. Festum Apollini sacrum & altare Cybeles occasione taurobolii *Acta Acad. Reg. Paris.* eleg. litt. exhibent (aa). Aliud altare lapideum, idque veterum Cimbrorum, delineatum reliquit Arniel (bb). Tripodem marmoream Apollini olim dicatam museum Kircherianum conservat. Ut ex ruderibus veterum architectonicam generatim addiscimus, ita templorum quoq; faciem inde colligimus. Quād multa porro ex inscriptionibus Diis dedicatis circa religionem veterum addiscere queamus, vel me tacente, nemo, qui vel e limine hæc studia salutavit, poterit ignorare.

§. VIII.

Antiquorum ducum & principum effigies saepe quoque vel in marmore, vel lapillis pretiosis, in quibus coarctatur naturæ & artis majestas, expressæ cernuntur. Obvius ibi nonnunquam fit, inter alios Græcorum heroës, *Phocion*, vultus virilitate illa, qua cum prosperæ tum adversæ Atheniensium fortunæ par fuit. Jam oculos ad se rapit *Alexandri Magni* imago, in qua summa oris dignitas & majestas, oculorum fulgor, juvenæ florentis succulentus vigor, reclinæ frontis decus, delicatum mentum, collum præpingue ac procerum,

quæ

(aa) Vol. I. n. I. & Vol. III. n. XXXVIII. (bb)
Cimbrische Heydenreligion / p. 232.

quæ veteres scriptores in adumbrando ejus vultu memorant. Alibi conspicitur *Julii Cesaris* corona laurea redimitum caput. jam oculos animosque summa voluptate perfundit vel *Augusti* vel *Titi* facies. Malorum etiam effigies posteris pernoscendas fistunt lapides, ut *Neronis* corpus fœdum & maculosum, vultum pulcrum magis quam venustum, oculos cæsios & cervicem obesam (cc) *Bruti* quoque interdum spectanda exhibetur facies. Hanc aliquando marmori insculpere aggressus est *Michael Angelo*, sed in medio operere substituit, & imperfectam reliquit; addita hac caussa:

*Dum Brutus effigiem sculptor de marmore ducit,
In mentem sceleris venit, & abstinuit.*

Sed quid opus est multis? Pleni sunt libri, plena musea multa hujusmodi antiquitatis reliquiis; quorum museorum aliqua sunt, quæ sola integrum fere seriem, non imperatorum modo, sed etiam familiarum augustarum, exhibere valent. Tale est *Vaticanicum* & *Belvederense*, ubi inter innumera alia veteris ævi cimelia conspicitur statua *Herculis*, coniecta ab *Apollonio* quodam Atheniensi, capite, pedibus manibusque truncata, ex qua tamen plus se circa sculpturam didicisse, quam ex omnibus integris, quas unquam conspicerat, confessus est *Angelo* (dd). In Viennensi rerum curiosarum assertione trecentæ circiter antiquæ statuæ, partim ex ære,

(cc) *Sveton.* in ejus vita c. 52. Confer *Dactyliothecam Zanettianam*, variis in locis. (dd) *Museographia Neickeliana* p. 86. seq.

ære, partim ex marmore paratæ, occurruunt (ee), & in Monachensi marmoreæ plurimæ (ff). Non vero facies modo principum & hominum illustrium nobis ita contemplandas fistunt lapides, ut *Sponnus* audeat contendere, plerorumque imperatorum Romanorum effigies nummis vel lapidibus impressas secundum regulas *Physiognomicas* vitis eorum, quas tradunt veteres historiæ, exacte congruere (gg); sed etiam facta eorum, triumphales apparatus, apotheoses &c. coram quasi contemplanda exhibent.

§. IX.

Quam multa circa historiam veterem nos edocere possint lapides, id uno alteroque exemplo porro est ostendendum. His integra historia apud Ægyptios erat insculpta; in lapidibus enim & marmoribus sacerdotes eorum, qui *ιερογεαμματεῖς* dicebantur, quorumque erat officium, res gestas in commentarios redigere, figuris hieroglyphicis, quidquid eorum tempore evenerat, signabant; ex quibus etiam hauserunt ea, quæ, quoties consulti erant, de rebus antiquioribus aliis tradidere. Hinc dum *Herodotus* & *Diodorus Siculus*, quæ de rebus Ægyptiacis habent, dicunt se a sacerdotibus accepisse, facile apparet, magnam horum auctorum partem lapidibus deberi. Hujus generis stelæ nonnullæ Ægyptiacæ figuris hieroglyphicis undiquaque exaratæ ab imperatoribus Romam transferebantur, & ibi adhuc manent

(ee) *Ibid. p. 329.* (ff) *Chir-Bährischer Atlas, p. 296.*

(gg) *Recherches curieuses d' Antiquité, dissert. XXIV.*

nent conspiciendæ. *Manethonis* fragmenta itidem lapidibus debuere originem. *Dionysius Halicarnassensis* ipse fatetur, eximiam historiæ suæ partem lapidum fide niti, quibus etiam ea accepta referenda veniunt, quæ de antiquis Græcorum temporibus habet *Pausanias* (hh). Arundellianum chronicon marmori incisum, quod sub initio superioris seculi ex Paro, maris Ægæi insula, auspiciis *Thomæ Howardi* Comitis in Angliam fuit translatum, chronologiam veterem Græcam plurium seculorum continet, a *Cecrope* usque ad Archontem *Diognetum*. Abbas quoque *Fourmontius* sub itinere eruditus, quod cum *Sevino* instituit in Græciam & confines regiones, stupendam sane messem inscriptionum variarum lapidearum collegit. Athenis, præter figuras anaglypticas, plusquam septingentos literatos lapides eruit, lucem historiæ & chronologiæ priscæ accendentes, & in illis ipsas tabulas legum Atheniensium Sparta, cuius verum situm detexit, plusquam trecentas dedit. (ii) Circa regionum, populorum & urbium nomina & fata insignem plane notitiam suppeditant lapides, &c, illis viam monstrantibus, ubi sitæ fuerint harum variæ, detegi potuit. Ita opera inscriptionum verus locus urbium Viducassii & Curiosolitarum est inventus (kk). Innumerarum, porro rerum,

(hh) *Conf. Humphridi Prideaux præfationem ad marmora Oxoniensia.* (ii) *Confer breviarium itineris istius in Actis R. Acad. Gall. eleg. litt. T. IV. n. XLIV.*
 (kk) *Ibid. T. I. n. LV. LVII.*

rum, quæ vel ad rem militarem, vel ad pacis artes & instituta pertinent, cognitio lapidibus debetur. Informamur eorum ope de magistratibus majoribus minoribusque, honoribus, officiis, legibus, professib⁹nibus, ludis, quæ apud veteres viguerunt. Imprimis monumentorum lapideorum, quæ ad sepulcra & defunctorum memorias pertinent, innumera occurrit multitudo. (ll). Reliquias veterum lingvarum conservarunt nobis lapides, qualia sunt fragmenta inscriptionum in Hetrurica, Punica & Palmyrena lingva (mm). Priscorum quoque scribendi rationem nos edocent muti hi præceptores. Illius scripturæ generis apud Græcos, cuius lineæ ducebantur, uti boves in arando ducunt sulcos, quodque ideo θετροφηδὸν γέαφειν vocarunt, memoriam & exempla lapidibus & marmoribus debemus. Quod vero literatram veterum Romanorum mirum in modum illustrant lapides, id vel ex Cellarii orthographia latina haurire possunt tirones. Ipsam denique veterum œconomiam ex lapidibus addiscere licet. Colligi inde potest notitia de ædificiis eorum tam publicis quam privatis, commerciis, artibus, vestiendi ratione & ornatu, lucernis, urnis, mensis, lectis, utensilib⁹s, reliquisque rem domesticam spectantibus negotiis. Mensuræ antiquæ Romæ in capitolio marmori albo incisæ adhuc servantur. Sunt etiam viæ ve-

C

terum

(ll) Confer Gruteri *inscriptiones Romanas*, Sertorii Urſati monumenta Patavina, & alios inscriptionum collectores. (mm) Act. ſep. cit. Gall. T. I. n. XXXV

terum lapidibus firmissimo opere stratæ, & milliaria dimetiendis earum longitudinibus adhibita, ad nos usque conservata. Lapidès quoque, quos pro Cerauniis vel fulminaribus vulgus venditat, non esse, nisi instrumenta vel bellica vel œconomica, quæ ante metallorum usum cognitum variis negotiis adhibebant prisci, post alios *Mabudel* (nn) prolixè evincere conatus est.

§. X.

Multa quoque sunt, ne illam hystoriæ partem intactam plane relinquamus, in quibus rei veteri ecclesiasticæ Judæorum & Christianorum lapides fœnerant lucem. Ita accuratam figuram candelabri, mensæ panis propositionis & sacrarum tubarum, quæ in cultu divino sub veteri fœdere adhibebantur, frustra quis determinare aggrederetur, nisi suppetias ferret monumentum marmoreum & arcus Titi triumphalis Romæ, ubi horum instrumentorum formæ exactissime delineatæ adhuc exhibentur. Quod de duodecima legione fulminatrice, quæ tota erat Christiana, narrant Christiani scriptores, illam nimirum, dum *Marcus Antonius* in bello Germanico cum toto exercitu siti erat periturus, precibus pluviam a cœlo impetrasse, ita stabilit columna triumphalis, quam post felicem redditum idem imperator, licet ipse gentiliis sacris deditus, Romæ erexit, ut paganis aut atheis vix ullus relinquatur contradicendi locus. Manent enim in eadem columna ad hunc usque

que diem integri, inter alias imagines, milites legionis hujus, genibus flexis orantes, & cruces, religiosis Christianæ insignia, in scutis suis gerentes. Et quemadmodum gentiles, quibus vitæ melioris spes vel nulla, vel ambigua, in sepulchris tamen suis ornandis erant multi, ita Christiani, qui norunt sepulchra sua esse בֵּית חַיִּים, *domus viventium*, ut Hebræis fuere appellata, & νουντρόγεια, *dormitoria*, ut Græcis Christianis dicebantur, qui que plena mentis fiducia verba *Prudentii* sua facere poslunt:

*Quidnam sibi saxa cavata
Quid pulchra volunt monumenta;
Res nisi quod creditur illis
Non mortua sed data somno?
Hoc provida Christicolarum
Pietas studet, utpote credens
Fore protinus omnia viva,
Quæ nunc gelidus sopor urget.*

Ita hi, inquam, circa monumenta sepulchralia erigenda inde ab initio Christianismi fuere occupati. Suppeditat horum magnam copiam Roma imprimis subterranea. Ut enim hæc urbs olim herorum suorum statuis, debellatarum provinciarum triumphis, ac hostium trophyis pariter ac spoliis cumulata & nobilitata fuit, ita eadem triumphibus martyrum titulis & subterraneis Christianorum castris illustris est redditia. Protracta nimirum sunt ex cœmeteriis illius antiqua Christianitatis vestigia plurima, & lapides, quibus

aurea Christianorum gesta non minus quam lutea eorum sepulchra indicantur, ex quibus quoque plurima circa ecclesiæ faciem primam ritusque tum observatos addiscere possumus. (oo). Cautela tamen opus est circa hæc monumenta, cum genuinis spuria quandoque Pontificiorum superstitione pietas intermixere soleat.

§. XI.

Ut de historia denique literaria verbum addamus, in virorum literis illustrium, quorum scripta non intereunt, imagines quoque tempori & obliuioni jus denegant lapides, & eosdem quasi redivivos & spirantes nobis conspicierdos præbent. Ita, ut innumera alia exempla taceamus, in palatio Florentino *Ciceronis & Senecæ* (pp), & in capitolio *Diogenis Platonis & Socratis* marmorea capita antiqui operis conspicuntur (qq). Venetiis epigramma vetus marmori incisum poëtæ *Anacreonti* asservatur, & Patavii elegantissimum *T. Livii* monumentum (rr); cui, præter veterem inscriptionem, addita est alia recentior:

Offa

*T. Livii Patavini unius omnium
Mortalium judicio digni cuius
Prope invicto calamo invicti P. R.
Res gestæ conscriberentur.*

Monu-

- (oo) Confer *Onuphrii Panvinii librum de cæmeteriis, & Pauli Aringhi Romam Subterraneam.* (pp) *Neickelii Museographia* p. 38. (qq) *Ibid.* p. 102. (rr) *S. Ursati monumenta Patavina,* p. 27.

Monumenta lapidea recentiora, eaque vel regibus erecta, quale est Parisis *Ludovici XIV.* statua equestris, & Imperatoris Russorum *Petri I.* ad aquas Spadanas monumentum marmoreum, vel viris aut bello aut pacis artibus literisque illustribus constructa, vel recordationem eventuum memorabilium conservantia, in quibus est statua funesti Londonensis incendii Anni 1666. memoriae perpetuandæ dicata, hæc omnia breviratis studio intacta plane relinquimus.

§. XII.

Ut, non satis prævisa rei difficultate, præsentis hujus argumenti pulchritudo & grata facies miram animo voluptatem primo fecit, ita, dum jam mecum reproto, quam manca & imperfecta omnia sint relinquenda, parum abest, quin me pœnitentia suscepit laboris. Antequam tamen colophonem opellæ imponeo, ne in patriam ingratus videar, monumenta lapidea Fennica non sunt plane intacta relinquenda. Diximus superius §. V. non comparere in hac regione cippos Runicos & colles sepulchrales; ruderum etiam diluvianorum, quæ subministrant petræfacta, oppido pauca hæc temus comparuere vestigia. Post introducitam religionem Christianam mos lapides litteris & figuris excavandi etiam heic invaluit. Jacet in sacrario templi Rändämäkensis lapis sepulchralis, facile omnium in hac regione antiquissimus, cui insculpta est stilo veteri hæc inscriptio: *A:o millesimo ducentesimo XV. obiit Ingregerdis uxor quondam Petri.* Ut hæc hodie difficulter, ita reliqua plane non legi possunt, nam, ut canit *Ausenius:*

Mors

Mors etiam saxis marmoribusque venit.

Servatur in eodem templo, ut hoc in transitu addamus, calix sacris usibus dicatus, cui literis excavatis, quod omnino ætatem reformationemque *Lutheri* anticipare, & ad seculum XIII. vel XIV. referendum esse videtur, inscriptus est versus:

De vera vite fert hoc vas pocula vite.

In templo Nousensi affabre exsculptum *S. Henrici* sepulchrum visitur; & muro arcis Tavastburgensis affixa proregis *Birgeri Jerl* effigies haud ita pridem conspiciebatur. In templo cathedrali Aboënsi, ab introitu chori arma viri cujusdam nobilis marmori oblongo in sculpta & muro inserta cernuntur, in quibus par brachiorum ære munitorum, una cum cruce gemina decussatim posita repræsentantur; galerus vero episcopalis cassidis loco illis est impositus. In muro autem arcis Aboensis interiori novem cordium forma lapidi impressa videri potest. Comparent etiam in Fennia monumenta sepulchralia plurima, eaque vel simpliciora, & lapide uno quadратo obiecta, quale est Uloæ *Joh. Messenii*, & alibi aliorum; vel etiam pretiosi & elevati sculptilis operis, inter quæ eminent in Aboënsi basilica *Tottianum* & *Stålhandskianum* dormitorium, & *Flemingianum* iu templo Virmoënsi. Sed manum de tabula; cum vel ex lapidibus hisce meis, utcunque paucis, & per meam tenuitatem vero suo destitutis nitore, patescere crediderim, historiam, quæ quidem libris & scriptis potissimum nititur, quæque ex nummis, illa

illa lapidum progenie , multum lucis acquirit, etiam
faxis ipsis & marmoribus insigniter locupletari, ut-
pote quorum ope multa ex veneranda antiquitate
illæsa. & ab interitu vindicata ad nos pervenerunt,
eaque sincera & incorrupta autographa, nullis in-
terpolationibus, criticorum conjecturis & ineptis in-
terdum emendationibus mutata.

S. D. G.

TIL HERR AUCTOREN.

DÅ witter lärdoms bæan, der snillet bör uplifwas,
Der dygden spiran för, och laster stå i bann,
Der fins wäl mychet solek, som hwarje ämnen drifwa,
Som uti dyrd och lof helt täfia med hwarann.

Bland dem så kunna de ett samhälds prydnad öka,
Som med sin tanka gå i hedna mörkret fram,
Och uti åldrens boo the minnes-runor föka
Der dygden ristat in sin' Hieltars lof och Namn.

The minnes-märcken stå mot ödets hårda lagar;
The achta wansklighet som idel strå och fnaas;
Ei kan nå'n afwunds hand forkorta deras dagar,
De trotsa tidens hot, oeh lyckans blinda raas.

The wisa, at vår Nord med skiål har altid skrutit
Sig alstrat Hieltar fram, som träffat dygdens mähl.
De Seger-Krantsar, som dem dygden sammanknutit,
Sieß ähran präglat i odödlighetens stahl. The

The gie ett digert Ijus, en outfäljlig nytt
De bringa os, enär wi blade tidsens book.

The wisa ut den wäg, som Mars sig fordom flyttat,
Då många länder han lagt under Nordens ook.

MIN WÄN, om detta alt ha'n I rätt moet skrifwit,
Des Nyttas skildrat af med konst och idog fiär.

EHR T snille tålkas af det ämnet som I driftwit;
Hwarsför och Pallas EHR en heders-lön tilrer.

EHR lefnad Himmelns med allskiöns godt bekröne,
För det I städse ha'n fölgt dygd och wishets spår;
EHR möda och EHR sit med frukter rikt belöne,
Och, som I önsken sielf, stads fälle EDRA åhr;

¶

NIC. MALM.

VIRO JUVENI,
Pereximo atque Præstantissimo
Domino GUSTAVO ALLENIO.

Vinculum illud amicitia, Vir præstantissime, quod nos a prima nostra
familiaritate intercessit, facit, ut ego quidem majori, quam alii & jure &
voluptate ob felices hos Tuos labores animo sum lætissimo. Est hoc speci-
men Tuum elegantissimum, de tñ Lapidum in Historia; in quo perquam
arduo negotio haud absimilis videris esse monticolis, qui indefessa cura &
assiduo labore cavernas montium perquirentes vi ignis & ferramentorum ex-
cisas mineras in lucem protrahunt, eas liquant & in nitida metalla convertunt.
Ita Tu soleris ingenii lama præsumum nitorem monumentis antiquis lapideis re-
stituis, eorumque usum in historia latissime patere ostendis. Monticolis ex
labore suo questus est haud raro uberrimus; Tibi honoris fructum egregia
Tua opera offert; quem Tibi ex animo gratulor, simulque voveo, ut DEI
T. O. M. natum & in aliis pulcherrimis conatibus Tuis persen-
tias benignum, utque omni prosperitate per longam annorum seriem fruaris!

ISAACUS H. UDDMAN.

Ostrobothniensis,